

Na osnovu člana 12. Zakona o udruženjima i fondacijama Bosne i Hercegovine ("Službeni glasnik Bosne i Hercegovine", broj 32/01) Osnivačka Skupština UDRUŽENJA POLAZNIKA TEČAJEVA JAPANSKE AGENCIJE ZA MEĐUNARODNU SARADNJU U BOSNI I HERCEGOVINI, na sjednici održanoj, dana 11.03.2006. godine u Sarajevu, d o n o s i:

## **STATUT**

### **UDRUŽENJA POLAZNIKA TEČAJEVA JAPANSKE AGENCIJE ZA MEĐUNARODNU SARADNJU U BOSNI I HERCEGOVINI**

#### **I-OPĆE ODREDBE**

##### **Član 1.**

*Udruženje polaznika tečajeva japanske agencije za međunarodnu saradnju u Bosni i Hercegovini je Udruženje koje je osnovano zajedničkim sporazumom o osnivanju Udruženja dana 11.03.2006. godine u Sarajevu, a koje je osnovano u skladu sa Zakonom o udruženjima i fondacijama Bosne i Hercegovine.*

##### **Član 2.**

*Ovim Statutom, u skladu sa Zakonom uređuju se:*

- a) puni i skraćeni naziv Udruženja, i sjedište Udruženja,*
- b) ciljevi i djelatnosti Udruženja,*
- c) postupak za primanje i isključivanje članova Udruženja,*
- d) organi Udruženja,*
- e) pravila za ostvarivanje, korištenje i raspolaganje sredstvima Udruženja i nadzor nad korištenjem tih sredstava,*
- e1) način podnošenja finansijskog izvještaja i izvještaja o radu*
- f) javnost rada,*
- g) postupak za izmjenu i dopunu Statuta i donošenja drugih općih akata,*
- h) opis oblika i sadržaj pečata,*
- i) zastupanje udruženja,*
- j) uslove i postupak za pripajanje, razdvajanje, transformaciju ili raspuštanje odnosno prestanak rada Udruženja, uključujući i poseban kvorum ili pravila za postizanje kvalifikovane većine u postupku glasanja,*
- k) postupak za raspolaganje preostalim imovinom ili drugim sredstvima u slučaju raspuštanja ili prestanka rada Udruženja,*
- l) druga pitanja od značaja za organizaciju i djelovanje Udruženja.*

##### **Član 3.**

*Djelovanje Udruženja se zasniva na načelu dobrovoljnog udruživanja radi ostvarivanja zajedničkih ciljeva i interesa.*

*Udruženje će djelovati na prostoru cijele Bosne i Hercegovine, a sve u cilju ostvarivanja ciljeva radi kojih se osniva.*

*Udruženje se osniva kao neprofitabilna i nestranačka organizacija koja nema prava sticanja profita.*

## **II-NAZIV I SJEDIŠTE UDRUŽENJA**

### **Član 4.**

*Puni naziv udruženja je:*

*Udruženje polaznika kurseva japanske agencije za međunarodnu saradnju u Bosni i Hercegovini.*

*Udruga polaznika tečajeva japanske agencije za međunarodnu saradnju u Bosni i Hercegovini.*

*Удруженје полазника течајева јапанске агенције за међународну сарадњу у Босни и Херцеговини.*

*Skraćeni naziv Udruženja je:*

*JICA ALUMNI, JICA ALUMNI, ЈИЦА АЛУМНИ.*

*Udruženje će koristiti i prijevod naziva na engleskom jeziku "JAPAN INTERNATIONAL COOPERATION AGENCY ALUMNI ASSOCIATION" i skraćeni naziv: "JICA ALUMNI"*

*Puni naziv Udruženja službeno se koristi na engleskom.*

**Sjedište Udruženja je u Sarajevu.**

**Adresa Udruženja je: Bistrik 9, 71000 Sarajevo, Bosna i Hercegovina**

*Udruženje može imati svoje urede/kancelarije na prostoru cijele Bosne i Hercegovine.*

### **Član 5.**

*Udruženje se može učlanjivati i u međunarodna udruženja.*

### **Član 6.**

*Udruženje može imati svoj znak i logotip.*

*Odluku o obliku znaka i loga sa sadržajem znaka donosi Upravni odbor, a po usvajanju isti će prijaviti nadležnom ministarstvu radi upisa u registar.*

### **III-CILJEVI I DJELATNOSTI UDRUŽENJA**

#### **Član 7.**

##### **Ciljevi Udruženja**

Osnovni ciljevi udruženja su:

- koordinacija i impementacija na realizaciji projekata JICA ALUMNI,
- saradnja na ekonomskom razvoju, naučnom, tehničkom i tehnološkom, kulturnom, ekološkom, sportskom, turističkom, edukativnom i drugim vidovima javnog djelovanja,
- promocija aktivnosti JICA-e u Bosni i Hercegovini,
- promocija i unapređenje saradnje Bosne i Hercegovine, Japana i drugih zemalja iz svih oblasti,
- promocija održivog razvoja,
- razvoj i promocija svih vidova turizma i eko-turizma,
- očuvanje prirodnih resursa i kulturno-historijskog naslijeđa,
- promocija potencija Bosne i Hercegovine,
- obezbjeđivanje informacija za bivše polaznike JICA i druga lica zainteresirana za JICA programe obuke i mogućnosti studiranja u Japanu,
- organizovanje tehničkih seminara i konvencija (u upravljanju kvalitetom, računarskoj tehnologiji, pomorskim naukama, marketingu, topografskoj kartografiji, energetici, zaštiti okoline, razvoja turizma, prevenciji od poplava, sigurnosti hrane, veterinarstvu, telekomunikacije, itd.),
- predavanje iz japanske kulture (japanski jezik, ikebana, origami, bonsai, japanska kuhinja itd),
- organizovanje izložbi o Japanu,
- nuđenje podrške za JICA timove sljedbenike,
- razvijanje i održavanje prijateljstva među članovima asocijacije,
- komunikacija sa ambasadorom Japana u pripremi edukacionih, društvenih, sportskih i kulturnih aktivnosti,
- organizacija i učešće na regionalnim sastancima Udruženja,
- stvaranje uzajamnog prijateljstva i saradnje sa JICA Alumni asocijacijama iz drugih država,
- organizovanje skupova prijateljstva i sportskih događaja,
- održavanje redovnog godišnjeg sastanka i drugih redovnih sastanaka,
- kompilacija izvještaja sa sastanaka i alumni periodičnih izvještaja,
- administracija članstva.

#### **Član 8.**

*Utvrđene ciljeve Udruženje ostvaruje na način određen Zakonom, ovim Statutom i drugim opštim aktima Udruženja.*

*U ostvarivanju svojih ciljeva Udruženje se neće uključivati u predizborne kampanje, niti će prikupljati sredstva za kandidate ili za finansiranje političkih partija.*

#### **IV. POSTUPAK ZA PRIMANJE I ISKLJUČIVANJE ČLANOVA**

##### **Član 9.**

*Članovi Udruženja mogu biti fizička lica državljanjani Bosne i Hercegovine koji prihvate ciljeve i djelatnosti i Statut Udruženja.*

##### **Član 10.**

*Udruženje može imati i počasne članove koji se sastoje od osoba koji su svojim dosadašnjim radom i angažmanom doprinijeli u afirmaciji ciljeva i djelatnosti Udruženja, a koji su dali saglasnost za svoje uključenje u počasno članstvo. Počasni članovi imaju sva prava i obaveze propisane članom 17. Ovog Statuta, izuzev da biraju i budu birani u organe Udruženja.*

##### **Član 11.**

*Odluku o prijemu novog člana Udruženja donosi Upravni odbor Udruženja. Protiv odluke Upravnog odbora, u roku od 30 dana, može se izjaviti prigovor Skupštini Udruženja, čija je odluka konačna.*

##### **Član 12.**

*Evidenciju o članovima Udruženja vodi administrator.*

##### **Član 13.**

*Članstvo u Udruženju prestaje:*

- istupanjem,*
- isključenjem,*
- smrću,*
- prestankom pravnog subjektiviteta člana.*

##### **Član 14.**

*Svaki član Udruženja može istupiti iz Udruženja, na osnovu pismene izjave o istupanju koju dostavlja Upravnom odboru Udruženja. Kao dan prestanka članstva smatrat će se datum prijema izjave o istupanju.*

##### **Član 15.**

*Član Udruženja koji grubo krši Statut Udruženja, ne izvršava svoje obaveze prema Udruženju, ili svojim postupcima nanosi štetu Udruženju, ili narušava ugled Udruženja, može biti isključen iz Udruženja.*

*Prije donošenja odluke o isključenju, član Udruženja mora biti obaviješten o prijedlogu za isključenja, kao i o razlozima zbog kojih se predlaže isključenja. Članu Udruženja se mora ostaviti razuman rok za izjašnjenje o pokrenutom prijedlogu za isključenja iz Udruženja.*

*Odluku o isključenju člana donosi Upravni odbor.*

*Protiv odluke Upravnog odbora, u roku od 30 dana, može se izjaviti prigovor Skupštini Udruženja, čija je odluka konačna.*

#### **Član 16.**

*Članovi Udruženja imaju slijedeća prava i obaveze:*

- *da biraju i budu birani u sve organe Udruženja,*
- *da aktivno učestvuju u ostvarivanju ciljeva Udruženja,*
- *da sarađuju sa ostalim članovima Udruženja,*
- *da čuvaju i podižu ugled Udruženja,*
- *da uredno plaćaju članarinu i izvršavaju druge preuzete obaveze,*
- *da ostvaruju druga prava i dužnosti utvrđena Statutom i opštim aktima Udruženja.*

#### **Član 17.**

*Pravo da biraju i da budu birani u organe Udruženja kao i da učestvuju u radu organa, članovi Udruženja ostvaruju lično ili putem izabраниh članova u pojedina tijela Udruženja nadležnih članova Udruženja.*

### **V- ORGANI UDRUŽENJA**

#### **Član 18.**

*Organi Udruženja su:*

1. *Skupština,*
2. *Upravni odbor,*

*Mandat organa Udruženja pod tačkom 2. i 3. prethodnog stava je četiri godine, sa mogućnošću ponovnog izbora.*

#### **Skupština Udruženja**

#### **Član 19.**

*Skupština Udruženja je najviši organ Udruženja, koju čine svi članovi Udruženja.*

## **Član 20.**

*Skupština Udruženja nadležna je za:*

- *Donošenje Statuta, izmjene i dopune Statut i drugih akata određenih Statutom,*
- *Odlučivanje o pripajanju, razdvajanju, transformaciji, raspuštanju i prestanku rada kao i o drugim statusnim promjenama u Udruženju,*
- *Izbor i razrješenje članova Upravnog odbora ,*
- *Izbor i razrješavanje predsjednika i potpredsjednika Udruženja,*
- *Razmatranje i odlučivanje o izvještajima koje donosi Upravni odbor ,*
- *Odlučivanje o drugim pitanjima koja nisu stavljena u nadležnost drugih organa Udruženja.*

## **Član 21.**

*Skupština Udruženja sastaje se po potrebi, a najmanje jednom u godini dana.*

*Skupštinu saziva predsjednik najmanje 15 dana prije njenog zasjedanja.*

*Predsjednik je dužan sazvati Skupštinu u slučaju kada to zahtijeva najmanje jedna trećina članova Udruženja Skupštine, ili kada to zatraži Upravni.*

*Ako predsjednik Udruženja ne sazove Skupštinu u roku od 60 dana, u slučajevima iz prethodnog stava, odluku o sazivanju Skupštine donijet će Upravni odbor.*

## **Član 22.**

*Skupština Udruženja ima kvorum za rad ako Skupštini prisustvuje više od polovine ukupnog broja članova.*

*Ako na zakazanu sjednicu Skupštine na pristupi više od polovine ukupnog broja članova Udruženja, po isteku jednog sata od vremena određenog za početak rada Skupštine, Skupština može punovažno odlučivati ako je prisutna najmanje jedna trećina od ukupnog broja članova Udruženja.*

*Skupština Udruženja odlučuje većinom prisutnih članova, ako Statutom ili Zakonom nije drugačije propisano.*

## **Član 23.**

*Skupština bira predsjednika Udruženja i potpredsjednika na mandatni period od četiri godine.*

*Predsjednik saziva sjednice Skupštine, predsjedava sjednicama i stara se o sprovođenju odluka koje donosi Skupština.*

*Potpredsjednik pomaže predsjedniku u vršenju poslova iz njegove nadležnosti.*

*U slučaju odsustva ili spriječenosti, predsjednika zamjenjuje potpredsjednik.*

#### **Član 24.**

*Bliže odredbe o načinu rada Skupštine, glasanja, odlučivanja, upućivanja poziva za sjednica, vođenju zapisnika i drugim pitanjima od značaja za rad Skupštine uređuju se Poslovníkom o radu Skupštine.*

#### **Upravni odbor**

#### **Član 25.**

*Upravni odbor je izvršni organ Skupštine.*

*Upravni odbor čine Predsjednik Upravnog odbora i osam članova, koje bira i razrješava Skupština Udruženja na period od četiri godine, sa mogućnošću ponovnog izbora.*

#### **Član 26.**

*Upravni odbor Udruženja sastaje se po potrebi, a najmanje jedanput u tri mjeseca. Upravni odbor može odlučivati ako je prisutno više od polovine članova.*

*Upravni odbor donosi odluke većinom glasova prisutnih članova.*

#### **Član 27.**

*Upravni odbor Udruženja obavlja slijedeće poslove:*

- 1. priprema sjednice Skupštine,*
- 2. priprema nacrt Statuta i drugih akata koje donosi Skupština,*
- 3. provodi politiku, zaključke i druge odluke koje je donijela Skupština,*
- 4. odlučuje o raspolaganju imovinom Udruženja,*
- 5. podnosi godišnji i periodične izvještaje o svom radu Skupštini,*
- 6. obrazuje odbore, komisije i druga radna tijela, radi izvršavanja posebnih zadataka iz djelatnosti Udruženja,*
- 7. prati realizaciju financijskog plana rada Udruženja i donosi odluke o upotrebi sredstava,*
- 8. obavlja i druge poslove, predviđene Statutom i aktima Udruženja.*

#### **Član 28.**

*Članovi Upravnog odbora mogu biti opozvani i prije isteka vremena na koje su izabrani, i to:*

- na sopstveni zahtjev,*

- ako ne dođu na sjednicu tri puta uzastopno, bez opravdanih razloga,
- ako svojim radnjama u vezi sa radom Upravnog odbora ruši ugled udruženja,
- i drugim slučajevima predviđenim Zakonom, ovim Statutom i aktima Udruženja.

O opozivu člana Upravnog odbora odlučuje Skupština Udruženja većinom glasova.

#### **Član 29.**

*Predsjednik Upravnog odbora Udruženja obavlja slijedeće poslove:*

- zastupa Udruženja,
- saziva sjednice Upravnog odbora, predsjedava sjednicama i stara se o izvršenju odluka iz nadležnosti Upravnog odbora,
- obavještava javnost o radu Udruženja,
- stara se o zakonitosti rada Udruženja,
- vrši i druge poslove za koje je ovlašten Statutom ili koje mu povjeri Skupština Udruženja.

#### **Član 30.**

*Poslovníkom o radu, koji donosi Upravni odbor bliže se uređuju način rada i odlučivanja, sazivanje sjednica, vođenje zapisnika i druga pitanja od značaja za rad Upravnog odbora.*

### **Komisije, odbori i sekcije**

#### **Član 31.**

*Za izvršenje stalnih i povremenih poslova Udruženja Skupština i Udruženje mogu osnovati komisije, odbore, sekcije i druga tijela.*

*Povremena radna tijela formiraju se prema potrebi.*

*Aktom o osnivanju tijela iz stava 1. ovog člana odredit će se njihov sastav, djelokrug i druga pitanja u vezi s njihovim radom.*

### **VI- IMOVINA UDRUŽENJA I KORIŠTENJE I RASPOLAGANJE SREDSTVIMA UDRUŽENJA**

#### **Član 32.**

*Imovinu Udruženja čine: prava, stvari i novac, koje Udruženje stiče u skladu sa Zakonom i ovim Statutom.*



*Za obaveze prema trećim licima Udruženje odgovara cjelokupnom imovinom.*

### **Član 33.**

*Udruženje može sticati prihode iz slijedećih izvora:*

- članarine,
- dobrovoljnih priloga i poklona javnih institucija, fizičkih lica, kako u gotovini, tako i u imovini i uslugama,
- državnih subvencija i ugovora sa državom, javnim institucijama, fizičkim i pravnim licima,
- prihoda od kamata, dividendi, dobiti od kapitala, zakupnina, honorara i sličnih izvora,
- prihoda stečenih kroz ostvarivanje ciljeva i aktivnosti Udruženja, u skladu sa ovim Statutom,
- drugih izvora u skladu sa važećim zakonima.
- 

### **Član 34.**

*O sticanju prihoda, korištenju imovine i raspolaganju sredstvima Udruženja odlučuje Upravni odbor u skladu sa ovim Statutom i opštim aktima Udruženja.*

### **Član 35.**

*Udruženje je dužno uredno voditi poslovne knjige u skladu sa prihvaćenim računovodstvenim principima i sastavljati finansijske izvještaje, saglasno važećim propisima.*

### **Član 36.**

*Upravni odbor je dužan, najmanje jednom godišnje, podnijeti Skupštini Udruženja izvještaj o podacima o imovini Udruženja, korištenju imovine, prihodima i rashodima Udruženja i drugim pitanjima od značaja za raspolaganje imovinom i za finansijsko poslovanje Udruženja, a u skladu sa Zakonom i ovim Statutom.*

*Upravni odbor je dužan upravljati imovinom Udruženja sa dužnom pažnjom, na odgovoran i zakonit način u najboljem interesu Udruženja.*

### **Član 37.**

*Nadzor nad zakonitošću i namjenskim korištenjem i raspolaganjem sredstvima Udruženja vrši Skupština Udruženja.“*

### **Član 38.**

*Lica ovlaštena da potpisuju akte koji se odnose na sticanje i raspolaganje imovinom Udruženja i na finansijsko poslovanje su: predsjednik Udruženja i predsjednik Upravnog odbora.*

*Upravni odbor svojom odlukom može ovlastiti i druga lica da potpisuju akte iz prethodnog stava.*

### **Član 39.**

*Svaki član Udruženja ima pravo da ostvari uvid u poslovne knjige i drugu dokumentaciju u vezi sa imovinom i finansijskim poslovanjem Udruženja.*

*Ostvarivanje prava iz prethodnog stava dužan je osigurati Upravni odbor, najkasnije u roku od 15 dana od dana prijema pismenog zahtjeva člana Udruženja.*

### **Član 40.**

*Skupština Udruženja može donijeti opšte akte kojima se, u skladu sa ovim Statutom, bliže uređuju pravila za ostvarivanje, korištenje i raspolaganje sredstvima Udruženja i za nadzor nad korištenjem tih sredstava.*

### **Član 41.**

*Udruženje može obavljati privrednu djelatnost radi ostvarivanja ciljeva Udruženja iz člana 7. ovog Statuta.*

*Udruženja može osnovati posebno pravno lice za obavljanje poslova koji nisu usko vezani za ciljeve Udruženja, a u skladu sa članom 4. tačka 2. Zakona o Udruženjima i fondacijama Bosne i Hercegovine.*

## **VII-JAVNOST RADA**

### **Član 42.**

*Rad Udruženja je javan.*

*Javnost rada Udruženja ostvaruje se na način utvrđen zakonom i ovim Statutom.*

### **Član 43.**

*Organi Udruženja su dužni da ovlaštenim predstavnicima sredstava informisanja učine dostupne podatke, informacije i isprave koje se odnose na rad Udruženja.*

*Transparentnost i javnost rada Udruženja uređuje se na principima Zakona o slobodi pristupa informacijama.*

#### **Član 44.**

*Članovi Udruženja imaju pravo da budu redovno informisani o radu svih organa Udruženja. O informisanju članova Udruženja staraju se predsjednik Skupštine i Upravni odbor.*

#### **Član 45.**

*Izuzetno, opštim aktom koji donosi Upravni odbor može se utvrditi da pojedine informacije, podaci i isprave, predstavljaju poslovnu tajnu. Istim aktom mogu se utvrditi odgovorna lica za korištenje i zaštitu informacija koje imaju karakter poslovne tajne.*

*Za poslovnu tajnu ne mogu se odrediti podaci koji su javni po zakonu i drugim propisima, kao i podaci o korištenju zakona i drugih propisa.*

### **VIII-POSTUPAK ZA IZMJENE I DOPUNE STATUTA, OVLAŠTENJA I NAČIN DONOŠENJA DRUGIH AKATA**

#### **Član 46.**

*Inicijativu za izmjene i dopune Statuta može podnijeti svaki član Udruženja. Inicijativa se podnosi Upravnom odboru, pismenim putem i sa odgovarajućim obrazloženjem.*

#### **Član 47.**

*Prijedlog za izmjene i dopune Statuta utvrđuje Upravni odbor. Utvrđeni prijedlog dostavlja se Skupštini Udruženja, pismenim putem i sa odgovarajućim obrazloženjem, najmanje 30 dana prije održavanja sjednice Skupštine.*

#### **Član 48.**

*O izmjenama i dopunama Statuta odlučuje Skupština, većinom glasova ukupnog broja članova Udruženja.*

#### **Član 49.**

*Predsjednik Udruženja potpisuje 6 primjeraka odluke izmjena i dopuna Statuta, koji se smatraju originalima i čuvaju se u arhivi Udruženja.*

## **Opšti akti Udruženja**

### **Član 50.**

*Pored Statuta, organi Udruženja mogu donositi i druge opšte akte, i to:*

- pravilnike,*
- poslovnike, i*
- odluke*

*Opšti akti Udruženja moraju biti saglasni zakonu i Statutu Udruženja.*

### **Član 51.**

*Pravilnikom se na opšti način uređuju odnosi između članova Udruženja, kao i međusobni odnosi organa Udruženja u ostvarivanju njihovih nadležnosti.*

### **Član 52.**

*Poslovníkom se bliže uređuje način rada organa Udruženja u izvršenju njihovih nadležnosti utvrđenih Statutom.*

### **Član 53.**

*Odluke, kao opšti akti, donose se u slučajevima kada je to utvrđeno Zakonom i ovim Statutom, kao i u drugim slučajevima kada se na pojedinačan i konkretn način uređuju pitanja od značaja za ostvarivanje ciljeva Udruženja.*

### **Član 54.**

*Originalni primjerci opštih akata Udruženja čuvaju se u arhivi Udruženja.*

## **IX-OBLIK I SADRŽAJ PEČATA**

### **Član 55.**

*Udruženje ima svoj pečat okruglog oblika, promjera 40mm, koji sadrži puni naziv i sjedište Udruženja na sva tri jezika, kao i na engleskom jeziku.*

*Za potrebe službi Udruženja pečat može biti promjera 20mm.*

*Udruženje ima i štambilj/žig koji je četvrtastog oblika veličine 70x30mm, koji sadrži naziv i sjedište Udruženja, te prostor za datum prijema podneska i upisivanje evidencijskog broja.*

*Svaki pečat i štambilj/žig imaju redni broj.*

*O broju pečata i štambilja, načinu njihovog korištenja i osobama ovlaštenim za njihova čuvanje odlučuje Predsjednik Udruženja.*

## **X-ZASTUPANJE UDRUŽENJA**

### **Član 56.**

*Predsjednik Udruženja zastupa i predstavlja Udruženje bez ograničenja ovlaštenja u obavljanju poslova i zadataka iz djelokruga Udruženja, uz obavezu povremenog informisanja Skupštine Udruženja.*

### **Član 57.**

*U slučaju odsutnosti, ili privremene spriječenosti Predsjednika, Udruženje predstavlja i zastupa osoba koju ovlasti Upravni odbor.*

### **Član 58.**

*Upravni odbor može donijeti odluku kojom će ovlastiti i druga lica da zastupaju Udruženje.*

*Odlukom iz prethodnog stava Upravni odbor će utvrditi i granicu ovlaštenja ovlaštenog lica za zastupanje Udruženja.*

## **XI-SPAJANJE I PODJELA UDRUŽENJA**

### **Član 59.**

*Udruženje se može spojiti ili podijeliti u drugo udruženje. Udruženje se može spojiti sa druga dva ili više udruženja koja se spajaju, nakon čega nastaje novo udruženje, a udruženja koja su se spojila prestaju da postoje.*

*Udruženje se može podijeliti na dva ili više udruženja s tim što dosadašnje Udruženje prestaje da postoji, a novonastala udruženja se osnivaju u skladu sa Zakonom.*

*Udruženje može osnovati svoje urede, predstavništva i podružnice u skladu sa odredbama Statuta.*

### **Član 60.**

*Odluku o spajanju i podjeli Udruženja kao i osnivanju ureda predstavništava i podružnica, donosi Skupština Udruženja na prijedlog Upravnog odbora.*

*Odlukom iz prethodnog stava se reguliše naročito:*

- *naziv Udruženja koje nastaje spajanjem, odnosno naziv udruženja koja nastaju podjelom,*
- *sjedište i adresa udruženja nastalog spajanjem, odnosno sjedište i adresa udruženja nastalih podjelom,*
- *imovina, kao i prava i obaveze koje se unose u udruženje nastalo spajanjem, kao i prenos imovine, prava i obaveze na druga udruženja nastalih nakon podjele udruženja,*
- *ciljevi Udruženja nakon spajanja, odnosno ciljevi udruženja nakon podjele,*
- *imena osoba ovlaštenih za obavljanje poslova u podnošenju zahtjeva za upis u Registar udruženja kod Ministarstva pravde BiH,*
- *sjedište i funkcije ureda, predstavništva i podružnice koje Udruženje osniva, kao i lica zadužena za vođenje i organizaciju rada u istim, bez ovlaštenja za zastupanje i predstavljanje.*

#### **Član 61.**

*Odluka iz člana 65. Statuta smatra se usvojenom kada je na sjednici Skupštine prihvati više od polovine od ukupnog broja članova Udruženja.*

## **XII-PRESTANAK RADA UDRUŽENJA**

#### **Član 62.**

*Udruženje može prestati sa radom dobrovoljno ili po sili zakona.*

#### **Član 63.**

*Udruženje prestaje sa radom dobrovoljno, ako Skupština dvotrećinskom većinom svih članova Udruženja donese odluku o raspuštanju Udruženja.*

#### **Član 64.**

*Istovremeno sa odlukom o raspuštanju Udruženja, Skupština donosi plan likvidacije Udruženja, kojim se utvrđuje raspored imovine, prava i obaveza Udruženja, u skladu sa Statutom Udruženja.*

*Skupština imenuje likvidatora Udruženja, čija dužnost je da se stara o planu likvidacije i koji je ovlašten da zastupa Udruženje u postupku likvidacije i u podnošenju zahtjeva za prijavu prestanka rada Udruženja nadležnim organima.*

### **Član 65.**

*U postupku likvidacije Udruženja iz imovine Udruženja izmirit će se sve dospjele zakonske obaveze, kao i obaveze nastale prema drugim povjeriocima Udruženja, a eventualna preostala imovina rasporedit će se na članove Udruženja srazmjerno njihovom doprinosu u plaćanju članarine.*

### **XIII – PRELAZNE I ZAVRŠNE ODREDBE**

### **Član 66.**

*Autetično tumačenje odredaba ovog Statuta daje Skupština Udruženja.*

### **Član 67.**

*Ovaj Statut stupa na snagu danom usvajanja na Osnivačkoj Skupštini Udruženja, potpisan od strane Predsjednika Udruženja, a primjenjivat će se od dana upisa Udruženja u registar kod nadležnog ministarstva.*

*Broj: 13/14*

*Sarajevo, 23.04.2014. godine*

*Predsjednica Udruženja*

---

*Melika Arifhodžić*